

BOSNA I HERCEGOVINA
FEDERACIJA BOSNE I HERCEGOVINE
KANTON 10
OPĆINSKI SUD U LIVNU
Broj: 68 0 St 082933 24 St
Livno, 20.05.2025.. godine

OPĆINSKI SUD U LIVNU, stečajni sudija Aleksandar Kontić, odlučujući o prijedlogu za otvaranje stečajnog postupka nad imovinom pravnog lica Drvna industrija Konstruktor-Grahovo d.o.o. Bosansko Grahovo, sa sjedištem u Bosanskom Grahovu, Radničko naselje bb, zastupan po zakonskom zastupniku Nives Šormaz iz Korčule, ul. Šet. Frane Kršnića broj 122, Republika Hrvatska, zastupan po Perici Babiću, Advokatu iz Livna, ul. Župana Želimira broj 3/2, izvan ročišta, dana 20.05.2023. godine, donio je dana

R J E Š E N J E

Otvara se stečajni postupak nad imovinom stečajnog dužnika Drvna industrija Konstruktor-Grahovo d.o.o. Bosansko Grahovo, sa sjedištem u Bosanskom Grahovu, Radničko naselje bb

Za stečajnog upravnika se imenuje Siniša Lužajić iz Sarajeva, ul. Džemala Bijedića broj 37/9.

Određuje se upis zabilježbe rješenja o otvaranju stečajnog postupka u sudskom registru Općinskog suda u Livnu u matičnom registarskom broju subjekta upisa broj 68-01-0076-08, pa se istome nalaže da uz firmu stečajnog dužnika upiše oznaku "u stečaju", a u rubrici osobe ovlaštene za zastupanje subjekta upisa", umjesto imena i prezimena direktora upiše ime i prezime stečajnog upravitelja

Troškovi stečajnog postupka padaju na teret stečajnog dužnika.

Pozivaju se vjerovnici da prijave svoja potraživanja stečajnom sudu u roku od 30 (trideset) dana od dana objave oglasa o otvaranju stečajnog postupka u "Službenim novinama Federacije BiH", a koji su uz prijavu dužni dostaviti dokaz o uplati pristojbe na Depozitni račun javnih prihoda HBŽ, broj računa 1610200033560449, primatelj JJR za polog jamčevine, vrsta prihoda 722611, proračunska organizacija 1402001, šifra opštine 055, koji se vodi kod "UniCredit Bank" d.d. u iznosu od 1% od vrijednosti potraživanja, s tim da ne može biti manja od 50,00 KM niti veća od 10.000,00 KM, a s naznakom broja predmeta 25 0 St 082933 24 St.

Pozivaju se dužnici da svoje dugove prema stečajnom dužniku izmire bez odlaganja.

Pozivaju se vjerovnici da stečajnog upravitelja obavijeste u roku od 30 (trideset) dana koja prava osiguranja potražuju na predmetima imovine stečajnog dužnika.

Potrebno je navesti predmet na kojem se potražuje pravo osiguranja, vrstu i razlog nastanka prava osiguranja, kao i osigurano potraživanje.

Nalaže se stečajnom dužniku i trećim osobama da stečajnom upravitelju predaju u posjed imovinu i dokumentaciju stečajnog dužnika koja je u njihovom posjedu.

Oglas o otvaranju stečajnog postupka istaknut će se na oglasnu ploču suda dana 22.05.2025. godine u 12,00 sati od kada nastaju pravne posljedice otvaranja stečajnog postupka.

Rješenje o otvaranju stečajnog postupka objavit će se na oglasnoj ploči suda, web stranici suda, na internet stranici Financijsko-informatičke agencije (FIA), te u "Službenim novinama Federacije BiH".

Ročište za ispitivanje potraživanja i izvještajno ročište određuje se istovremeno za dan 09.07.2025. godine u 12,30 sati.

O b r a z l o ž e n j e

Predlagatelj Nives Šormaz zakonski zastupnik Drvne industrije Konstruktor-Grahovo d.o.o. Bosansko Grahovo, zastupana po punomoćniku Perici Babiću, advokatu iz Livna, je podneskom od 20.09.2024. godine, predložila da se otvori stečajni postupak nad dužnikom Drvna Industrija Konstruktor-Grahovo D.O.O..

U prijedlogu se navodi da se prijedlog podnosi zbog nastale platežne nesposobnosti i blokiranja računa, jer pravno lice nije u stanju izvršavati dospjele obaveze, jer je račun stečajnog dužnika blokiran.

Stečajni sudac je nakon što je utvrdio da je prijedlog za pokretanje stečajnog postupka podnesen od strane ovlaštenog predlagatelja u smislu odredbi čl. 58. st.1 i 2. Zakona o stečajnom postupku i da je isti dopušten, naložio je predlagatelju da uplati novčana sredstva na ime predujma financiranja troškova prethodnog postupka, radi utvrđivanja uvjeta otvaranja stečajnog postupka.

Predlagatelj je dana 29.10.2024. godine, dostavio sudu dokaz o uplati predujmljenih sredstava za financiranje prethodnog stečajnog postupka u iznosu od 3.000,00KM.

Na ročištu za saslušanje stečajnog dužnika održanog dana 16.10.2024. godine, punomoćnik predlagatelja i zz predlagatelja ponovio je navode iz Prijedloga za otvaranje stečajnog postupka, te je napomenuo da je vidljivo da je račun stečajnog dužnika blokiran.

Sud je rješenjem broj gornji od 31.10.2024. godine, pokrenuo prethodni stečajni postupak, imenovao privremenog stečajnog upravnika.

Privremeni stečajni upravnik je dostavio Izvještaj u kojem je navedeno da je prijedlog za otvaranje stečajnog postupka dopušten, a utvrđena imovina dužnika može pokriti troškove stečajnog postupka.

Nakon objavljivanja Oglasa o otvaranju prethodnog stečajnog postupka, Porezna uprava F BiH je prijavila potraživanja prema stečajnom dužniku, nakon čega je stečajni dužnik uplatio iznos predujma troškova stečajnog postupka u visini od 3500 KM.

Na osnovu navedenog, temeljem citiranih odredbi Zakona sud je odlučio kao u izreci ovog rješenja.

Pouka o pravnom lijeku:

Protiv ovog rješenja dozvoljena je žalba u roku od 8 dana računajući od prvog narednog dana od dana objave istog u Službenim novinama F BiH. Žalbu mogu izjaviti stečajni dužnik i privremeni stečajni upravnik. Žalba se podnosi Kantonalnom sudu u Livnu, putem ovog suda, u dovoljnom broju primjeraka za sudionike u postupku.

Stečajni sudac

Aleksandar Kontić